

ՊԱՅՄԱՆԱԳԻՐ

Հայաստանի Հանրապետություն, քաղաք Երևան
Երկու հազար տասնինը թվականի հունիսի քսանին
20.06.2019թ.

Բնապահպանության և ընդերքի տեսչական մարմինը (գրանցման համար՝ 273.184.1025876, ՀՎՀՀ՝ 02678934, հասցե՝ ՀՀ, ք. Երևան, Չարենցի 46), այսուհետ՝ Վարձակալ, ի դեմս Բնապահպանության և ընդերքի տեսչական մարմնի Շիրակի տարածքային բաժնի պետ Լևոն Ռոբերտի Գասպարյանի (անձնագրի սերիան և համարը՝ AM0260398, տրված 12.04.2011թ. 034-ի կողմից, հաշվառման հասցե՝ Շիրակի մարզ, գյուղ Բավրա, 3-րդ փողոց, 24-րդ շ., բն. 1), ով գործում է Բնապահպանության և ընդերքի տեսչական մարմնի ղեկավար Վիգեն Ավետիսյանի (անձնագրի սերիան և համարը՝ AK0617673, տրված 22.09.2010թ. 001-ի կողմից, հաշվառման հասցե՝ ՀՀ, Կոտայքի մարզ, ք. Չարենցավան, 3-րդ թաղ., 38-րդ շ., բն. 11) կողմից 17.06.2019թ. տրված լիազորագրի հիման վրա, մի կողմից,

«Հովիկ Ջաքարյան» ՍՊԸ-ն (գրանցման համար՝ 29.020.00944, ՀՎՀՀ՝ 05510481, հասցե՝ ՀՀ, ք. Գյումրի, Խրիմյան Հայրիկ փ., 46/1), այսուհետ՝ Վարձատու, ի դեմս ՀՀ քաղաքացի Շիրակ Ավետիսի Գրիգորյանի (անձնագրի սերիան և համարը՝ AH0284090, տրված 18.01.2007թ. 021-ի կողմից, վավերականության ժամկետը երկարաձգված է մինչև 18.01.2022թ., հաշվառման հասցե՝ ՀՀ, Շիրակի մարզ, Ամասիա համայնք, գյուղ Ողջի, 6-րդ փ., 4-րդ տուն), ով գործում է ընկերության տնօրեն Հովիկ Ջաքարյանի (նույնականացման քարտի համարը՝ 000949388, տրված 21.01.2013թ., 016-ի կողմից, հաշվառման հասցե՝ ՀՀ, ք. Գյումրի, Իսահակյան փ., 8-րդ շ., բն. 8) կողմից 30.04.2019թ. տրված լիազորագրի հիման վրա, մյուս կողմից, և

Վարչապետի աշխատակազմը, այսուհետ՝ Վճարող, ի դեմս Հարություն Մկրտումյանի (նույնականացման քարտի համարը՝ 009432626, տրված 24.05.2018 թվականին 008-ի կողմից, հաշվառման հասցե՝ ք. Երևան, Մալաթիա-Սեբաստիա, Բաֆֆու փ., 35-րդ շ., բն. 27), ով գործում է Վարչապետի աշխատակազմի ղեկավար Էդուարդ Աղաջանյանի կողմից 29.05.2019թ. տրված լիազորագրի հիման վրա, երրորդ կողմից,

Վարձակալը, Վարձատուն և Վճարողը միասին՝ այսուհետ՝ Կողմեր, կնքեցին սույն պայմանագիրը հետևյալի մասին.

1. Պայմանագրի առարկան

1.1. Սույն պայմանագրով Վարձատուն պարտավորվում է Վճարողի կողմից կատարվող վճարի դիմաց Վարձակալի ժամանակավոր տիրապետմանը և օգտագործմանը հանձնել ՀՀ Շիրակի մարզի Գյումրի քաղաքի Խրիմյան Հայրիկի փողոց, 46/1 ակումբ հասցեում գտնվող անշարժ գույքից 109,05 (մեկ հարյուր ինն ամբողջ հինգ հարյուրերորդական) քառակուսի մետր մակերեսով տարածքը՝ համաձայն պայմանագրի անբաժանելի մաս կազմող թիվ 1 հավելվածում նշագրված հատակագծի (այսուհետ՝ Անշարժ գույք):

1.2. Վարձատուն հանդիսանում է Անշարժ գույքի սեփականատերը՝ համաձայն անշարժ գույքի նկատմամբ սեփականության իրավունքի գրանցման թիվ 0232833 վկայականի՝ տրված 18.04.2005թ. ՀՀ կառավարությանն առընթեր անշարժ գույքի կադաստրի պետական կոմիտեի Գյումրու տարածքային ստորաբաժանման կողմից:

1.3. Վարձատուն փաստում է, որ Անշարժ գույքը վաճառված չէ, վեճի առարկա չէ, ենթավարձակալության կամ անհատույց օգտագործման տրված չէ և գրավադրված է «ԱՐԱՐԱՏԲԱՆԿ» ԲԲԸ-ում (այսուհետ նաև՝ Բանկ)՝ համաձայն 30.11.2017թ. կնքված անշարժ գույքի գրավի պայմանագրի, ինչը հավաստվում է ՀՀ անշարժ գույքի կադաստրի կոմիտեի «Գյումրի» սպասարկման գրասենյակի կողմից 03.06.2019թ. տրված «Անշարժ գույքի միավորի և դրա նկատմամբ գրանցված իրավունքների և սահմանափակումների վերաբերյալ» թիվ US-03062019-08-0028 միասնական տեղեկանքով:

1.4. Բանկը 15.05.2019թ. թիվ 86/0167-19 գրությամբ հայտնել է իր համաձայնությունը առ այն, որ Անշարժ գույքը վարձակալության իրավունքով տրամադրվի Բնապահպանության և ընդերքի տեսչական մարմնին՝ Շիրակի տարածքային բաժնի կողմից օգտագործելու նպատակով:

1.5. Վարձակալը և Վարձատուն պարտավորվում են Բանկի հանդեպ Վարձատուի ունեցած վարկային պարտավորությունները չկատարվելու հետևանքով գրավի առարկա հանդիսացող Անշարժ գույքի վրա բռնագանձում տարածվելու դեպքում անհապաղ լուծել սույն պայմանագիրը, իսկ Վարձակալը պարտավորվում է ազատել Անշարժ գույքը:

1.6. Վարձակալը և Վարձատուն, սույն պայմանագիրը ստորագրելով, տեղեկացված են, որ գրավի առարկայի իրացման դեպքում վարձակալության իրավունքը դադարում է ՀՀ քաղաքացիական օրենսգրքի 238-րդ հոդվածի 2-րդ կետի ուժով:

1.7. Անշարժ գույքն օգտագործվելու է Վարձակալի Շիրակի տարածքային բաժնի ընթացիկ գործունեության իրականացման նպատակով:

1.8. Կողմերը հաստատում են, որ սույն պայմանագրի 1.1 կետում նշված Անշարժ գույքը 01.04.2019թ. դրությամբ հանձնված է Վարձակալին:

1.9. Կողմերը սահմանում են, որ սույն պայմանագրի պայմանները կիրառվում են մինչև պայմանագիրը կնքելը 01.04.2019թ. իրենց միջև ծագած հարաբերությունների նկատմամբ:

2. Կողմերի իրավունքները և պարտականությունները

2.1 Վարձատուն պարտավոր է՝

2.1.1 Բանկի հանդեպ ունեցած իր վարկային պարտավորությունները չկատարվելու հետևանքով գրավի առարկա հանդիսացող Անշարժ գույքի վրա բռնագանձում տարածվելու դեպքում անհապաղ լուծել սույն պայմանագիրը:

2.1.2 2019թ. ապրիլ և մայիս ամիսների, ինչպես նաև յուրաքանչյուր հաջորդ ամսվա համար լրացնել և ստորագրել Վարձակալի կողմից տրամադրված ձևին համապատասխան՝ սույն պայմանագրի կամ դրա մի մասի կատարման արդյունքների հանձնման-ընդունման արձանագրությունը (այսուհետ՝ Արձանագրություն), այնուհետև այն տրամադրել Վարձակալի Շիրակի տարածքային բաժնի պետին՝ ստորագրելու համար, որից հետո 2019թ. ապրիլ և մայիս ամիսների Արձանագրությունն ուղարկել Վճարողին մինչև 2019թ. հունիսի 28-ը ներառյալ, իսկ յուրաքանչյուր հաջորդ ամսվա Արձանագրությունը ուղարկել Վճարողին մինչև համապատասխան ամսվան հաջորդող ամսվա 5-ը ներառյալ:

2.1.3 վարձակալության ընթացքում կատարել Անշարժ գույքի համար խմելու ջրի մատակարարման և ջրահեռացման (կեղտաջրերի մաքրման), ինչպես նաև աղբահանության ծառայությունների վճարները (այսուհետ՝ Կոմունալ ծախսեր):

2.2 Վարձատուն իրավունք ունի՝

2.2.1 Վարձակալից պահանջել Անշարժ գույքն օգտագործել սույն պայմանագրով սահմանված նպատակային նշանակությանը համապատասխան:

2.2.2 ցանկացած ժամանակ հրաժարվելու սույն պայմանագրից՝ այդ մասին երեք ամիս առաջ գրավոր տեղեկացնելով Վարձակալին:

2.2.3 պարբերաբար այցելել Անշարժ գույք՝ նախօրոք յուրաքանչյուր այցի օրը և ժամը համաձայնեցնելով Վարձակալի հետ:

2.2.4 Վճարողից ստանալ վարձակալության վճարը՝ համաձայն պայմանագրի:

2.3 Վարձակալը պարտավոր է՝

2.3.1 Բանկի հանդեպ Վարձատուի ունեցած վարկային պարտավորությունները չկատարվելու հետևանքով գրավի առարկա հանդիսացող Անշարժ գույքի վրա բռնագանձում տարածվելու դեպքում անհապաղ լուծել սույն պայմանագիրը և ազատել Անշարժ գույքը.

2.3.2 Անշարժ գույքն օգտագործել սույն պայմանագրով սահմանված նպատակային նշանակությանը համապատասխան.

2.3.3 առանց Վարձատուի գրավոր համաձայնության Անշարժ գույքի հետ կապված չկատարել վերակառուցումներ և շինարարական այլ ձևափոխումներ.

2.3.4 սույն պայմանագրի դադարման դեպքում Անշարժ գույքը Վարձատուին հանձնել իր կողմից ստացված վիճակում՝ հաշվի առնելով բնական մաշվածությունը:

2.4 Վարձակալն իրավունք ունի՝

2.4.1 ցանկացած ժամանակ հրաժարվելու սույն պայմանագրից՝ այդ մասին երեք ամիս առաջ գրավոր տեղեկացնելով Վարձատուին:

2.5 Վճարողը պարտավոր է՝

2.5.1 սույն պայմանագրով սահմանված ժամկետներում և կարգով վճարել վարձակալության վճարը:

2.6 Վճարողն իրավունք ունի՝

2.6.1 Վարձատուից ստանալու Արձանագրությունը:

3. Վարձակալության վճարը, վճարման կարգը և ժամկետները

3.1. Անշարժ գույքի տիրապետման և օգտագործման համար սահմանվում է վարձակալության վճար, որը կազմում է ամսական 80000 (ութսուն հազար) ՀՀ դրամ: Նշված գումարը ներառում է կիրառելի հարկերը: Ամսական վարձակալության վճարը ներառում է նաև Կոմունալ ծախսերը:

3.2. 2019 թ. ապրիլ և մայիս ամիսների համար վարձակալության վճարը Վճարողը փոխանցում է Վարձակալին Արձանագրությունը ստանալուց հետո՝ մինչև 2019թ. հուլիսի 8-ը ներառյալ, իսկ յուրաքանչյուր հաջորդ ամսվա վարձակալության վճարը Վճարողը փոխանցում է Վարձակալին Արձանագրությունը ստանալուց հետո՝ մինչև համապատասխան ամսվան հաջորդող ամսվա 15-ը ներառյալ: Վճարողը վարձակալության վճարը փոխանցում է Վարձատուին «Կոնվերս Բանկ» ՓԲԸ-ում բացված 1930028567090100 հաշվեհամարի միջոցով:

3.3. Ոչ լրիվ ամսվա համար վարձակալության վճարի չափը հաշվարկվում է սույն պայմանագրի 3.1. կետում նշված վարձակալության վճարը տվյալ ամսվա օրերի քանակի վրա բաժանելու և Անշարժ գույքի փաստացի տիրապետման օրերի քանակով բազմապատկելու միջոցով:

4. Անհաղթահարելի ուժի ազդեցությունը (ՖՈՒՄ-ՄԱԺՈՐ)

4.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը և պետական մարմինների ակտերը, որոնք անհնարին են դարձնում սույն պայմանագրով պարտավորությունների կատարումը:

5. Վեճերի լուծման կարգը

5.1. Սույն պայմանագրի կապակցությամբ ծագած վեճերը լուծվում են բանակցությունների միջոցով:

5.2. Սույն պայմանագրի Կողմերի միջև համաձայնություն ձեռք չբերելու դեպքում վեճերի լուծումը հանձնվում է Վարձակալի գտնվելու վայրի ընդհանուր իրավասության դատարանի քննությանը:

6. Պայմանագրի փոփոխումը և լուծումը

6.1. Սույն պայմանագիրը Կողմերը կարող են փոփոխել կամ լուծել ՀՀ օրենսդրությամբ նախատեսված հիմքերով և կարգով, ինչպես նաև սույն պայմանագրով նախատեսված դեպքերում:

7. Եզրափակիչ դրույթներ

7.1 Սույն պայմանագիրը կնքվում է 3 (երեք) տարի ժամկետով: Այն դեպքում, երբ սույն պայմանագրի գործողության ժամկետը լրանալուց հետո Վարձակալը, Վարձատուի առարկությունների բացակայությամբ, շարունակում է օգտվել Անշարժ գույքից, ապա պայմանագիրը ճանաչվում է վերսկսված՝ նույն պայմաններով անորոշ ժամկետով:


7.2 Սույն պայմանագիրը ենթակա է նոտարական վավերացման:

7.3 Անշարժ գույքի նկատմամբ սույն պայմանագրից ծագող վարձակալության իրավունքը ենթակա է պետական գրանցման:

7.4 Սույն պայմանագիրը կազմված է հայերեն լեզվով հինգ օրինակից (յուրաքանչյուրը՝ չորս էջից), որոնք ունեն հավասար իրավաբանական ուժ: Պայմանագրի բնօրինակը համարվում է նոտարի մոտ պահվող օրինակը: Պայմանագրի երկրորդ, երրորդ և չորրորդ օրինակները տրվում են Կողմերին, իսկ հինգերորդ օրինակը ներկայացվում է ՀՀ կադաստրի պետական կոմիտեի համապատասխան սպասարկման գրասենյակ: Նոտարի մոտ պահվող բնօրինակի և մյուս օրինակների միջև հակասության դեպքում նախապատվությունը տրվում է բնօրինակին:


ՎԱՐՉԱԿԱԼ

Բնապահպանության և ընդերքի տեսչական մարմին
Լիազորված անձ
Լևոն Ռոբերտի Գասպարյան (17.06.2019թ. լիազորագիր)
Անձնագրի սերիան և համարը՝ AM0260398, տրված 12.04.2011թ. 034-ի կողմից
Հաշվառման հասցե՝ Շիրակի մարզ, գյուղ Բավրա, 3-րդ փողոց, 24 շ., բն. 1


ստորագրություն


ՎԱՐՉԱՏՈՒ


«Հովիկ Զաքարյան» ՍՊԸ
Լիազորված անձ
Շիրակ Ավետիքի Գրիգորյան (30.04.2019թ. լիազորագիր)
Անձնագրի սերիան և համարը՝ AH0284090, տրված 18.01.2007թ. 021-ի կողմից
Հաշվառման հասցե՝ ՀՀ, Շիրակի մարզ, Ամասիա համայնք, գյուղ Ողջի, 6-րդ փ., 4-րդ տուն


ստորագրություն

ՎՃԱՐՈՂ

Վարչապետի աշխատակազմ
Լիազորված անձ Հարություն Մկրտումյան (29.05.2019թ. լիազորագիր)
Նույնականացման քարտի համարը՝ 009432626, տրված 24.05.2018 թ. 008-ի կողմից
Հաշվառման հասցե՝ ք. Երևան, Մալաթիա-Սեբաստիա, Բաֆֆու փ., 35 շ., բն. 27



ստորագրություն



1) \parallel ՀԱՐԿ. $H=4.00$ $h=3.60$ $D=0.65$ $d_1=0.20$ $d_2=0.1$ $V=1:200$

վարչակազմի զբոսայգի 109,05մ².

ընդհանուր օգտագործման զբոսայգի 96.87մ².





20/06/2019, երկու հազար տասնինը թվականի հունիսի քսանին

Սույն պայմանագիրը վավերացված է իմ ՀՀ Երևան նոտարական տարածքի նոտար՝ Սիրվարդ Հուսիկի Գևորգյանիս կողմից: Կողմերը պայմանագիրը ստորագրեցին իմ ներկայությամբ: Պայմանագիրը ստորագրած ֆիզիկական անձանց ինքնությունը պարզված է, նրանց գործունակությունը, իրավաբանական անձանց իրավունակությունը, նրանց ներկայացուցիչների լիազորություններն, ինչպես նաև անշարժ գույքի պատկանելությունը ստվականատիրոջը՝ ստուգված:

ՀՀ քաղաքացիական օրենքի 611 հոդվածի համաձայն սույն պայմանագրից ծագող իրավունքները ենթակա են պետական գրանցման մշարժ գույքի կադաստրի կոմիտեի ցանկացած սպասարկման գրասենյակում՝ 30 (երեսուն) աշխատանքային օրվա ընթացքում:

ԳՐԱՆՑՎԱԾ Է ԳՐԱՆՑԱՄԱՏՅԱՆՈՒՄ՝ 1637-ով

Գանձված է պետական տուրք՝ հինգ հազար ՀՀ դրամ և ծառայության վճար տասնհինգ հազար ՀՀ դրամ՝ համաձայն «Պետական տուրքի մասին» և «Նոտարիատի մասին» Հայաստանի Հանրապետության օրենքների:

Նոտար

Սիրվարդ Հուսիկի Գևորգյան

